

# DISCOVER

*(Bible Ralchhan)*

Zirlai - 5

Nun Lungawi Kailawn

**A** ruhro chu Atlantic Tuifinriat bul, thliarkâr hnuchhawn, hmun remchâng deuh hlekah chuan an hmu a. Chu lawng sipai, tu a nih pawh hriat loh chanchin bu kenah chuan thla li chhûnga a thil paltlang tûr chu a chuang a.

Kum 1725 khân Ascension Thliarkârah hian Dutch lawng chuan mi pakhat a thil tihsual, eng a nih a sawi loh chu a lo hnutchhiah hi a ni a. Reilotêah a tuihal tuar lo chuan satel thisen in a chin phah ta a ni. A taksaa a tuarna chu a nasa êm êm a, chutichung chuan chu aia nasa zâwk a tuar chu a chanchinbu kenah chuan a chuang a, chu chu : A thil tihsual nasa tak chu a ni.

Tuar hartak chung châng a ziak a, chu chu: “Thithei mihringte hian felna kawng hawisana a aia râpthlâk zâwk an tihbelh zêl hian eng ang hreawm nge an tuar thîn?” tih hi a ni. He lawng sipai khawhar tak chhunga Pathian kalsana awm nia a inhriatna chu a ni. Chutak chu a ni a tâwp thlenga tuar rual loh ni ta chu.

Evi leh Adama’n theirah ei phalloh an ei avânga Pathian laka an bihrûk aţang khân, mihringte hian thinlunga khawharna hi an lo tuar tawh thîn a ni. (Gen : 3:8). Zahna te, diklova inhriatna te leh hlauhna thar maktak an hriatte chuan kha nupa hmasaberte Pathianin a rawn koh pawha biru tûrin a tîr hi a ni. Khatiang thil kha vânduai thlâk takin tun thleng hian kan zîngah a la lâ êm êm a ni.

Eng hian nge Pathian nêna kan inkârah in thenna siam thîn?

**“In khawlohnate chu nangni leh in Pathian kâra tlâin a tiţhen zâwk che u a ni, a beng a hriat duh lohna tûrin in sualnate chuan a hmai chu a hlihsak bawk che u a ni.” Isaia 59:2.**

Sual hian inthenna a siam a, Pathian lak aţangin min thenhrang thîn a ni. He inthenna thûk tak, sual fa mihringte Pathian laka thentu hi Pathian siam a ni lo. Pathian chu Evi leh Adama lak aţangin a tlan bo lova an mahni an tlanbo zâwk a ni.

## 1. CHHUNGLAM NUN TUIHAL TIREHIN

Sualin a tihchhiat hmâ kha chuan Evi leh Adama chuan Eden Huan mawi tak maia anmahni Siamtu nêna innel taka inpâwlina hun an nei thîn a. Vânduaithlâk leh lungchhiatthlâk takin Pathian anga fîng nih theihna Setana dâwt chu leiin, an Siamtu nêna inrinna thutiam chu an tichat ta a. An sualna chuan inmihrana, chhûngkaw hmasaberte hnêna nasa taka kângkaia thendarh vektu, inmihrana a lo chhuak ta a ni. (Gen. 3:15- 4:8) Pathian nêna inthenna thihna a thlen tak zet a, “Sual man chu thihna a ni si a,” (Rom 6:23).

Eden Huan atanga hnawhchhuah an nih hnu chuan, pâwn lama nun chu nasa takin a harsa zâwk a ni tih Evi leh Adama chuan an hmu a. Nau hrin leh lei lehte chu thisen, thlan leh mittui tlâa thawh an ngai ta. Chung aia tuar harsa chu thinlung ruak, sual irhchhuahna chu a ni. Pathian nêna an inhnaihna chu a chhiat tak avângin chhûnglam lungkhamah te, duhzâwng neih famkim lohna te leh thlâkhlehnaah te chuan an chaklo a ni. Sipai, thliarkâra hnutchhiah, lungngaihna zawng zawnga râpthlâk ber, sual avânga khawharna dawngtu ang kha an ni.

Tûnah tak hian mi zawng zawngte dinhmun ch engnge ni?

**“Chutichuan mi pakhat avângin sual khawvêlah a lut a, sual avângin thihna a lut bawk a, chutiang bawkin mi zawng zawngin thil an lo tihsual avângin thihnain mi zawng zawng a fan chhuak ta a,” Rom. 5:12.**

Evi leh Adama an lo hel tak avângin mi zawng zawng chu soal thuhmunah an tlu ta vek a, soal hremna sângber thihna chu an chang dâwn a ni. Kan thil hloh tawh ît a, kan thinlung tuihâlna chu kan hre ðeuh va, chu chu thlamuanna Pathian chauhvîn a pêk theih chu a ni. Chu tuihalna chu thil ho takin tihreh kan tum ðîn a; chung atân chuan:

A châng chuan kan thil châk chu zû te, ruihhote leh nun ðhalo taktea tih reh kan tum ðîn.

Kan duh chhiarsên loh te leh kan tihreh theihloh châknate hi Pathian kan mamawhhzia entirna vek an ni. A hmangaihna chu kan nuna kan neih hma chuan tihdamna a awm thei lo.

Eng chu nge ni mihringte rilru tuihalna tirehtheitu awm chhun chu?

**“Nangin nunna kawng chu mihriattîr ang a; I hmaah chuan hlima khah liamna a awm a; I kut dinglamah chuan kum khaw lâwmna tûr a awm,” Sâm 16:11.**

Lungawina tluantling hi chu, Pathian nêna kan inkâr mi daidangtu chu dawhzawma a bul ngeia kan chen theih hunah chauh a awm dâwn a ni.

## 2. SUAL LEH THIHNA KHUR DAWHZAWMIN

Mihringte chauh hi khawhar taka سوالin a siam an ni lo. Pathian pawh a khua a har ðîn. Evi leh Adaman an hnu chhawn nî pawh khân a thinlung chu a na êm êm a ni. Tun thleng hian mihringte lungngaihna leh vânduainaah hian ani pawh a lungngai ðîn. Kan chhûngrila kan duhte min tihpuitlinsak leh kan rilru natnate

tihdam hi Pathian châk zawng tak a ni. Amah nêna min tihrangtu sual leh thihna khur chu lainat taka thlîr mai duh tâwk lovin dawhzawm a tum ta zâwk a ni.

Engtin nge Amah Pathian ngei chu he khuarkhurum leilâwn a lo nih?

**“Krista Isua mi sualte chhandam tûrin khawvêlah hian a lo kal,” 1 Timothea 1:15.**

Krista chu sual thawi nân a thi a, sual man chu amah ngeiin a tlâk a ni. A nun, felna famkim chu, kraws a ngaihdamna zawngtu apiang hnênah a thlâwnin a pe a. Krista kraws chuan thlamuanna leh lâwmna Pathianin a pêk theih leh kan nun tuihal inkâr awl chu a zawmtîr a. Sual chhiatna nun ram chu hman sen loh nun awmna ram nêna a zawm ta a ni.

Engvangin nge Isua chuan lo kal a duh?

**“Pathianin khawvêl a hmangaih êm êm a, chutichuan a Fapa mal neih chhun a pe a, amah chu tupawh a ring apiang an boral lohva, chatuana nunna an neih zâwk nân, khawvêl thiam loh chantîr tûrin Pathianin a Fa khawvêlah a tîr lo, khawvêl amah avânga an dam theihna tûrin a tîr a ni zâwk e,” Johana 3:16, 17.**

Kan khawvêlah lo kalin Krista chuan Pathian ramah Setana ram danglamna chiang takin a lantîr a. A nunna te, thihna te leh thawhleha te chuan sual ngaihthah mai lova ngaidama chhandam theihna siamin, lei leh vâna thilsiam zawng zawngte hnênah Krista leh Setana nungchang dik tak lantîrna a siam a ni. Krista taksa pem leh thisen chhuak, leilâwn ni ta chuan mi zawng zawng sual thang aṭangin a la lêt leh ta a ni. Hmangaihna chu khur thuk chu a dawhkai a, chu chuan Krista chu an Lal leh Chhandamtua pawm

apiangte hnênah chatuana nunna lama kai theihna a pe a ni.

### 3. KRISTA CHUNGCHANGA THIL PAWI-MAWH I HRIATTUR PASARIHTE

Isua chungchânga thudik pasarihte hi khawvêla tu chungah mah a dik ve thei lo.

#### 1. ISUA CHU VÂN AṬANGIN LEIAH A LO KAL

Isua ṭobul chu engtia hrilhfiah nge a ni?

**“Kan tân naupang a lo piang a, fapa pêkin kan awm ta a; rorêlna chu a kokiah a chuang ang a; a hmingah chuan Maka, Remruattua, Pathian Chaka, Chatuan Pa, Remna Lal an ti dâwn si a,”** Isaia 9:6.

Isua chu mihring hrin nimahsela (Matthaia 1:22,23) amah chu Pathian a ni Mihring tisia Pathian. Isua chuan engtika lo awm tawh nge nia a insawi?

**“Abrahama awm hma pawhin ka awm,”** Johana 8:58.

Khawvel hnênah Isua chuan, "Kei hi keimah aṭanga lo awm ka ni, Hmanah ka awm tawh a, ka awm reng ang," a ti. Dwight L. Moody, kum zabi 19-na Billy Graham an tih bawk chuan Isua pianna chungchâng a sawinaah, "Isua tân chuan he khawvêla lo kala, tangkarua nêna siam nau mutnaa muttîr: vântirhkohten enkawl a, rangkachak thîrfiana chaw barh pawh nise, inpêkna nasa tak a ni ang. Amaherawhchu lei leh vân Siamtu chuan mihringte taksa puin ran chawpêkna

thlêngah nu leh pa rethei tak kârah leh hrehawm thei ber hmunah a piang a ni,” a ti.

Engvângin nge Isua chu kan khawvêla a lo kal? Isua pian hnu chuan vântirhkoh chuan Josefa hnênah:

**“Fapa a hring ang a, a hmingah ISUA i sa ang; ani chuan a mite an thil tihsual lakah a chhandam dâwn si a,' a ti a,” (Matthaia 1:21).**

Isua engkim Siamtu (Johana 1:1-3,14) chuan sual leh thihna ata min chhandam tûra kan khawvêla lo kal chu a duh a. A hming ringawt pawh hi mihring chak lo te hlimna dik leh chatuan nunna nei thei tûra thutiam a ni.

## 2. ISUA CHU SUAL TELLOIN A NUNG:

**“Isua Pathian Fapa.. keimahni anga kawng tinrênga thlêmna tâwk tawh, sual erawhchu sual lo nei kan ni zâwk e,” Hebrai 4:14, 15.**

Isua chu tisa leh thisen nei ve chiah a ni a, mahse sual lovin a nung a ni. Pathian chuan sual lak aţanga nun hlim awm neih dân hi vawi tam tak min hrilh tawh. Chu mi atâna hrilhfiahna a neih that ber chu Krista nun hi a ni. Mihringte nunna a fiahna zawng zawngte kal tlangin Krista chuan Pathian thusawitute sermon tha ber aia tha sual tel lo nun a nei a ni.

Hmêlmapa, Setana chuan Krista chu he khawvêla a awm chhông khân thil tihsualtîr a tum a. Baptisma a chan zawh, rawngbâwla a la chhuah hmaa Judai ram thlalêra chaw a nghei tum pawh khân, Setana chuan Messiah dikna beih nân a hmanraw tha ber a hmang a nih kha (Mat 4:1-11). Krista chu khenbeh a nih dâwn Gethsemane huanah pawh khân thlêmna kha a nasat êm avângin Isua thlan chu thisenin a far a ni. (Luka 22:44).

Khatiang taka thlêmtu beihna kha tuman an tâwk ngai lo. Nimahsela Krista chuan Setanan a rawn beihna a tuar zo vek a, chutichung chuan a “sual lo” a ni. Mihringte harsatna zawng zawng leh thlêmnate chu a hriat vek avângin Krista chuan kan harsatna leh kan mamawhte chu a hria a ni. Kan chaklohna zawng zawng pawh ani chuan mi hriatpui thîn (Heb. 4:13).

Engvângin nge Krista tân chuan sual tel lova nun a tul?

**“Amahah chuan Pathian felna kan lo nih theihna tûrin, sual rêng rêng hrelo chu Pathianin keimahni avângin sualah a siam a.” 2 Kor. 5:21.**

He mi châng hi heti hian i han sawifiah dâwn teh ang. “Thil tisual lo Krista chu Pathianin kan aia thil tisualah a siam a; kan nun sual aiah a nun sual tello chu a pe a, chu chu Amahah chuan sual lova chhiar kan nih theihna tûr a ni,” Isua chu thlêmnâ hneha sual lovin a nung a, hei hi kan nun hlui sual thlâk nâna hman tûr a ni. Hei hi misualte thiam chantîra an awm dân chu a ni. Krista avâng liau liau va Pathian hmaa mifela chhiar kan ni.

### 3. ISUA CHU SUAL KALPUI TURIN A THI

Mi engzat nge sual?

**“Mi zawng zawngin thil an tisual tawh veka, Pathian ropuina an chang zo ta lo a ni,” Rom 6:23.**  
Engvângin nge Isua a thih?

“Mi fel âia thih miin a duh âwm lo hle si a, mi tha ai erawh chuan mi tu emaw tal chuan thih a ngam mial mahna. Nimahsela Pathian chuan a mi hmangaihna



chu fak tlâkin a lantîr a, misualte kan la nih laia Krista kan aia a thih avâng khân.” Rom 5:7,8.

**“Enteh u, Pathian Berâm No khawvêl سوال kalpuitu tûr saw.” (Johana 1:29).**

Kan vaiin thil kan tisual veka, chuvâng chuan chatuana thi tûr kan ni, chu chu سوال man chu a ni. Amaherawh chu Isua chu kan aiah a thi ta a. Kan سوال ai a سوال a ni ta. (2 Kor. 5:21). A thihna chu kan سوال man tlâkna a nih avânga thilpêk a ni, chuvâng chuan Pathian thilthlâwnpêk chu Isua Krista kan Lalpa avânga CHATUANA NUNNA a ni.” (Rom 6:23).

Nikhat chu Auschwitz khuaa Nazi (German) hovin thi tûr an dahna hmuna an hotupa chuan lung in tâng zînga sâwm chu thi tûr an nih thu a puang a, a chhan chu tâng zînga pakhat a tlanbo vang a ni. Lâmmualah chuan thi tûr hming sâwmte chu an han chhiar chhuak ta a. A nhuhnûng berin a hming a han hriat chuan lungngai takin, “Ka nupui leh ka fate chu aw!” tiin lungchhe zet hian a han sawi a.

Thâwklehkhatah an tâng zînga upa lam tawh tak chu mi kârah chuan a lo chhuak a, amah chu Father Maximillian Kolbe, mi tha tak Pathian hmangaihna chu mite lo tawmpuitu a ni a. Kolbe chuan, chibai commandant, “Kha mi ai kha ka aw thei lâwm ni?” Kolbe chuan a ti a. A ngaihna hre lo khawpa maktitu S.S. Officer chuan Kolbe chu midang pakua te zawma Block 13 a kal tûrin thu a pe a. Chumi hmun thim leh rimchhe takah chuan chawngheia thi tûrin an awm ta a ni. Ni reife chhûng chu Kolbe tâna pindan aţang chuan mite chuan tawngtai leh fakna hla sa thâwmte an hre ta a. A tâwpah chuan Carbohic Acid in an jection hlum ta a ni. Father

Kolbe hian fiahna harsa tak takte chu huaisen takin a tuar chhuak a. Mahse a nun chu a mi hriat ngai loh mamawh atân a thlâwnin a pe ta a ni. Chutiang hmangaihna chu mihringte hriat thiam phâk piah lam a ni. Amaherawh chu Isua ve thung chu a nun famkim leh fel chu mi tlâwm berte tân a thlâwnin a pe a ni. A thihna avângin kan Lalpa Isua Krista zârah “Pathian nêna inremna kan nei a ni.” (Rom 5:1).

#### 4. ISUA CHU THIHNA ATA A THO LEH TA

Kraws-a a thihna chu Krista chanchin ngaihnaawm tak mai tâwpna a ni lo. Chhandamtu thi a ni thei bawk hek lo. Kan khawvêlah hian hna a la thawk reng a ni.

**“Krista kha kaihthawhin a awm loh chuan in rin chu engmah lo a ni ang a. In sualnaah chuan in la awm fo a ni ang. Chuti a nih chuan Kristaa muhil tawhte kha an boral ta a ni ang.” 1 Korinth 15:17, 18.**

Mohammed leh Buddha te hian thuril dik tak khawvêl an pe a. Mipui maktaduai tel te rilru an chawk thova, nimahsela mite nunna pe thei tûra thiltihtheihna an nei lo, anmahni pawh tun thlengin thlânah an la awm a ni.

Isua erawh chu a thih aţanga nithum nî khân thlân aţangin a tho leh ta (Luka 24), eng thutiam nge min pêk theih le?

**“Mi nunga chu ka ni, ka lo thia nimahsela ngai teh, kum khua atân ka nung leh ta a ni. Thihna leh mitthi khaw chabîte chu ka nei bawk a,” Thupuan 1:18.**

Thlân aṭanga lo tho leh Isua chauhvin thihna nêlawm lohna leh hlauhawmna chu a hnehzia a lantîr thei a ni.

Thutiam dang engte nge tho leh Krista chuan min tiam le?

**“Keimah ka nun avângin nangni pawh in nung ve ang,” Johana 14:19.**

Isua chu a nung a ni! Thihhnua tho leh ta leh “Ka nung a ni” titu khân nun Hausa leh chatuan daih min pe thei a ni. Kan sâwm phawt chuan kan thinlungah a chêng ang. (Thup. 3:20). Vawiin hian tho leh Krista chuan kan tlâkchhamnate min phuhrûk sak ang em?

**“Kei kum khuain, khawvêl tâwp thleng pawhin, in hnênah ka awm zêl ang,” Matthaia 28:20.**

Khawvêl pumpuia mite chuan ngawl veina nasa theih tâwp leh rilru na thûk ber aṭanga chhanchhuahna chanchin te an sawi hova. Lâwmthu sawina tam tak te chuan tho leh Krista thiltihtheihna chu an entîr a ni.

Kan zirlai zînga pakhat chuan a chhanna phêkah lâwmthu heti hian a ziak a, “Zu heh ka ni, Nikhat chu zu inkhâwmna hmun aṭanga ka chhuak chuan tuidawhna hmâwra Bible zirtur hminglakna lehkha târ ka hmu a. Chu chu ka la a, a awllaite ka ziak khat a, Krista chanchin dik chu ka lo hriat phah ta a ni. Bible zirna chu ka zawm hnu lawkin, ka thinlung chu Pathian hnênah ka hlan a, chuta ṭang chuan zu châkna ka nei ta lo hmiah mai a ni.”

Isua chuan he mi nun hi a chenchilh a, zu ngawl vei hnehna a pe a ni. Châkna thar a nunah chuan a lut a, chu chu a zu châkna aia chak zâwk a ni. Krista chu Chhandamtu tho leh a nih avângin, a hnêna ṭanpuina dila lo kal chu tupawh a chhandam thei a ni.

## 5. ISUA CHU VANAH A LAWN

A thawh leh ațanga engnge maw hnuah, Isua chu Pa hnênah a kîr ta a;

**“Chung thu chu a sawi zawhin an hmuh reng chungin, vâna hruai chhohvin a awm a, tîn, chhûmin an hmuh phâk lovah a hruai bo ta a.”** Tirhkohte 1:9.

Vâna a lâwn chhoh hma lawk khân Isua chuan amah zuitute hnênah eng thu nge a tiam?

**“In thinlung mangang suh se, Pathian in ring e, kei pawh mi ring ve rawh u, ka Pa inah awmna tam tak a awm a, a awm loh chuan ka hrilh tawh tûr che u a ni; in tân hmun siamin ka kal dâwn hi. Tin, in tân hmun ka han siam chuan ka lo kîr leh ang a, ka hnênah ka la ang che u; ka awmnaah nangni pawh in awm theih nân,”** Johana 14:1-3.

## 6. KRISTA CHUAN VANA PUITHIAM HNA A THAWK.

Krista chuan vân hmuna awm ve ngei tûra buatsaih che tumin a bei reng a. He khawvêla a lo kal chhan te, a lo awm ve chhan te, a thih chhan te, thihna ata a thawhle chhan te leh vâna a lawn chhante chu ramtina mite tâna chhandamna a awm theihna tûr hi a ni. Hêng Pathian Lehkha thute hian kan tâna a tum ber chu an tilang Chiang hle. **“Chutichuan mite tân sual thupha chawina siam sak tûrin, Pathian lam thilahte chuan Puithiam Lalber mi lainat thei leh rinawm tak a nih theih nân, eng kima unaute anga lo awm**

**chu a tân a ÷ul rêng a ni.” Hebrai 2:17-18.**

Heta Pathian Lehkha thuin a sawi dân chuan, Isua chu kan khawvêlah hian chhandamna hna thawk turin a lo kal a:

Sual hreng râpthlâk tak ațanga tichhuak tûrin Kan puithiam Lal rinawm leh zahngai thei min sawipuina avânga mihring chu Pathian nêna inpumkhat leh tûrin, Setana tiborala, sual zungzâm, tuarna leh thihbate tiboral tûr a ni.

Isua kan Puithiam, min Dilsaktu chuan englai pawhin Pa hmâah min dilsak reng a ni. Hmana Isua, naupangte malsâwm a, uirenu ngaidamtu leh rûkru thi tûr ngaidamtu khân tûnah hian vânah kan mamawhte min thawhsak reng a, thlêmna tuar tupawh a ÷anpui thei reng a ni.

## 7. ISUA CHU A LOKAL LEH ANG

Vâna a lâwn hma khân Eng thu nge Isuan a tiam?

**“In tân hmun ka han siam chuan, ka lo kîr leh ang a, ka hnênah ka la ang che u; ka awmnaah nangni pawh in awm (ve) theih nân.” Johana 14:3.**

Isua a lokal hun chuan, sualna lak ațangte, vânduaina leh thihna, he khawvêl tibawrh bângtu lak ațangte hian chatuan atân min chhanchhuak tawh dân a ni. Khawvêl thar (leithar) kum khaw tlai tuana hlimna leh nun tâwp lohna Pathian hmâah chuan min lâwm lut dân a ni. Bible Thupuan Kawhbmuhna zirlai 7-10 chuan Isua lokal leh huna thil lo thleng tûrte chu a chhui dân a ni.

*ISUA CHU .....*

*Mihringte taksa puin a lo kal a,  
Sual lovin kan tân a nung a,  
Kan tân bawk a thi a,  
Thihna ata min chhanchhuak tûrin a chhova.  
Kan Puithiam Lal niin nitin rawng a bâwl a.  
Chatuana a hnêna awm tûra min hruai  
tûrin ani chu a lo kal thuai dâwn a ni.*

#### 4. HMANGAIHNA THLAWN NGAILO

Taiwan rama U Long-a leh nula la naupang tak “Golden Flower” an tih chuan inneih an tum a. A hun serh bîk lai an tih zawha monu hmai khuhna U Longan a han hlim chuan a phu zawk mai a! Hmeichhe hmai chu zawng hri ser hian a lo khat chuk mai a ni.”

A hnuah chuan U Long chu a nupui hnaihlo thei ang berin a awm ta a ni. A nupui ve thung chuan a theih ang tâwka tihhlim tumin leh a tâwpah a rilru a thlâk beiseiin nasa takin in lamah hna a thawk ve thung a. Nimahsela chutianga hmangaihna a lantîr zawng zawngte chu engah mah a ngailo tlat a. Tichuan Golden Floweri chu hmeithai ang maiin a awm ta a ni.

Ngawltawt chhuah der ang maia kum 12 lai an inneih hnu chuan, U Long mit khing hnih chu a lo del dâwn tan ta mai a. U Long chu a mitmu tuamtu hamda

an thlâk loh chuan a mit khinghnih chu a del hmiah ang tih thu Doctorin a hrilh a. Chu in zaina chu a to êm êm a, chu bakah an hmâah mi tam tak an lo inziak lut tawh si a.

An sum neihsa tuak belh tûrin Golden Floweri chu buhpâwl lukhum siamin a thawk a. Nikhat chu mi pakhat accident tâwk mitmu tuamtu chu a hman theih tûr thu U Long an hrilh a, chu veleh a mit zai tûr chuan damdawi in lam chu a pan ta vat a. A lo dam tak hnu chuan a nupuiin theih tâwp a pawisa a lo thawh chhuah sak avânga lâwmthu sawi chu hreh tak chungin a tum ta a. Amah hmu thei tûra a nupui lukun a han kawih dak chuan, U Long makti chu a thaw chham ðelh ta mai a! A pasal a han en chuan a mit chu a lo del reng mai a, a mit pahnih chu a del vek avângin mitmu tuamtu hamda pawh hmuh tûr awzawng a awm tawh lo a ni. A lung chhe lutuk chu a kebulah a ðhu hnawka a ðap ta a. Chutah meuh chuan "Golden Floweri" hming chu a lam ri chhuak ve ta hial a ni.

Isua chuan rei tak chhûng amah lo hlat tawh ðhînte nêna inzawm leh hi a duh êm êm a. A tâwp a tâwpah chuan a hming lama, "Ka chhandamtu a ni" kan tih hi a nghakhlel a ni. A hmangaihna chu a nasat êm avângin Krista chu misualte chhandam tûrin khawvêlah a lokal ta a ni. (1 Timothea 1:15).

Krista tuarna ropui tak chuan amah kan ngaihsak lohnate thleng phâk leilawn a rawn dawh a, chu chuan amah kan mihranna chu a tibo ta a ni. Sual khur ðhûk tak a tanga la chhuak a, a âwm nghenga awmtîr che hi a duh

ngawih ngawih a ni tih hi a takin i hmu chhuak tawh em?  
Chu chu chhângin “Isu, ka hmangaih che. I tuarna sawi  
hleih theih loh avângin lawm thu ka hrilh a che. Ka thinlung  
chhûngah lo lutin tunah tak hian min chhandam rawh.  
Ka pumin, a vaiin, chatuan atân min chhandam rawh,”  
tiin i tawngtai ang em?

---

Published by Mizo Conference of Seventh-day Adventists  
Seventh-day Tlang, P.O. Box 097, Aizawl 796 001, Mizoram.